

《佛說無量壽經》 補充講表

◎附表二十五：

※專樂求法，心無厭足。常欲廣說，志無疲倦。

※集一切福德三昧經》云：「善男子！乃往過世阿僧祇劫無量無邊不可思議。爾時，有大仙人名曰最勝，住山林中具五神通，常行慈心。……作是念言：有二因緣能起正見：謂從他聞，聞已正思，以是二法能生正見。……若有菩薩恭敬求法，則於其人，佛不涅槃，法亦不滅。」

※擊法鼓，建法幢，曜慧日，除癡闇。

*《佛說無量壽經義疏》曰：「言擊法鼓，喻聞慧法。鼓聲遠被，名擊法鼓。建法幢者，喻思慧法，立義稱建，義出名幢。言曜慧日，除癡闇者，說修慧法，開眾生也。」

※猶如虛空，於一切有無所著故；……曠若虛空，大慈等故。

*《楞嚴經》卷四云：「譬如虛空，體非群相，而不拒彼諸相發揮。」

※正念止觀，諸通明力。

*《大乘起信論》云：「心若馳散，即當攝來，住於正念。是正念者，當知唯心，無外境界。即復此心，亦無自相。念念不可得。」

*《大乘起信論》云：「云何修行止觀門？所言止者，謂止一切境界相，隨順奢摩他觀義故。所言觀者，謂分別因緣生滅相，隨順毗鉢舍那觀義故。」

*《大乘起信論》云：「唯除坐時專念於止，若餘一切，悉當觀察應作不應作。若行若住，若臥若起，皆應止觀俱行。所謂雖念諸法自性不生，而復即念因緣和合，善惡之業，苦樂等報，不失不壞；雖念因緣善惡業報，而亦即念性不可得。」

※修空、無相、無願三昧，不生不滅諸三昧門。

*三解脫門（亦名三三昧），無願三昧又叫無作三昧。

*依他起性，是指心性隨緣熏習所現之相，唯虛無實，如見分等四分或十法界依正二報等；而依乃隨順也，他乃染淨緣也。

*徧計所執性，亦稱之為分別性，乃是由於無明不覺故，妄執依他之虛相為真實相，如我法二執等；而徧計執即是周徧計較，分別執著之意。

*《成唯識論觀心法要》卷一云：「圓成實性，即二空所顯真如。」

*《瑜伽師地論》卷第七十四云：「復次，三種解脫門，亦由三自性而得建立。謂由徧計所執自性故，

立空解脫門；由依他起自性故，立無願解脫門；由圓成實自性故，立無相解脫門。」

《成唯識論觀心法要》卷八云：「空解脫門，知徧計空。無願解脫門，於他法無所願求。無相解脫門，

證圓成實，離有無相也。」

※必得超絕去，往生安樂國，橫截五惡道，惡道自然閉。

《佛說無量壽經義疏》曰：「三途人天·是其五趣。於此分別。下三惡道·名為惡趣。人天二道·名為善趣。今此約對彌陀淨刹。娑婆五道·齊名惡趣。地獄餓鬼畜生·是其純惡所向·名為惡趣。娑婆人天·雜惡所向·亦名惡趣。若依此方修習斷除。先斷見惑·離三途因·滅三途果。後斷修惑·離人天因·絕人天果。漸除不名橫截。若得往生彌陀淨土。娑婆五道·一時頓捨·故名橫截。截五惡趣·截其果也。惡趣自閉·閉其因也，此明所離。」